



A'VEU ḥegomīz.

§. 1.

Nteqvam de Confusione ipsa dicamus, necessarium videtur esse, ut inqviramus, qvānam illa prima fuerit Lingva, qvā Deus ab initio mundi primo homini indidit, & qvæ sola ante Confusionem Babylonicam vizuit? Unam enim tantūm fuisse Lingvam, testatur ipsa Scriptura Gen. XI. i. Joh. Goropius Becanus Lingvam Cimbricam pro antiquissima & Protoplasmorum in Paradiso vernacula venditare voluit, cuius postmodum Hyperaspisten egit Levinus Torrentius. Rationes, qvas adducit, nullius ferme momenti sunt. Dicit enim, voces aliarum Lingvarum ad hanc reduci posse, e. gr. בְּרִיחֹת ipsi est qvali Вeen-hot / i. e. pecudum & inimicitia caput, Noach Not-acht / i. e. curans necessitatem, Nimrod Nimts Brod i. e. raptor panis, &c. ergò hanc esse primævam. Verūm, omnes aliarum lingvarum voces ad hanc commodè referri, falsum esse, qvis non videt? Qvasdam qvidem eam voces communes habere cum aliis, non negamus, sed non statim concludendum, omnes habere & per consequens, eam esse antiquissimam. Ejus farinæ est, qvod urget de simplicitate, qvod radices ejus lingvæ constent ex una syllaba. Nam non statim, qvod simplicissimum, antiquissimum est. Et si id procederet, Chinaica vel Tschinaica lingva esset primæva, qvæ omnia ferme vocabula habet monosyllabica. Vide plura de hac qvæst. apud Pfeiff. Disp. de Lingva Protopl. Assert. §. Et Barth. Mayerum Philol. Sacr. P. II. p. 351.

§. 2. Volunt & suam Phryges, suam, teste Mar. Victorio Proœm. Gramm. Æthiop. Abyssini, suam Chinenses, suam Arabes, & qvi non? in ηεωγονίας thronum collocare, ex inani jactantia, & qvia sua cuique pulchra Phyllis est. Maximè tamen Theodoretus natione Syrus & Cyri in Syria Episcopus, qvæst. 12. in Genes. Lingvæ Syro-Chaldeæ istam vindicare gloriam conatus est; in cuius sententiam iverunt & alii, nempe Maronitæ de monte Libano, eosq; inter Georgius Amira, Prefat. Gramm. Syr. & præter hos Joh. Caspar Myricceus in Prefat. Gramm. sua Syro-Chaldeæ. Sed prolixè satis illum

A 2

refu-